

4  
ÆOLUS  
MICROCOSMO COMMODANS  
& INCOMMODANS,

*sive*  
DISQVISITIO PHYSIO-PATHOLOGICA  
*De*  
FLATIBUS,

*Quam*  
Adspirante Divini Numinis Favonio,  
SUB PRÆSIDIO  
VIRI

*Nobilissimi, Excellentissimi atque Experientissimi,*  
DN. JACOBI PANCRATII  
BRUNONIS,

Philos. & Medic. Doctoris, hujusq; Prof. Publ.  
Celeberrimi,

Gratiosæ Facultatis Medicæ p. t. DECANI  
Spectatissimi,

PATRONI & *Studiorum suorum Promotoris*  
*nullo non honoris & observantiæ cultu prosequendi,*  
publico τῶν Φιλιατρῶν examini  
sistit

JOHANNES LUDOVICUS APINUS,  
Oringâ-Hohenloicus, A & R.

D. XXIX. Maji, A. R. S. cId Id c XXCVII.

---

ALTDORFI,  
Literis HENRICI MEYERI, Univ. Typographi.



4

THE RECORDS OF THE  
MILITARY AND NAVAL  
DEPARTMENT

OF THE  
UNITED STATES OF AMERICA

FOR THE YEAR  
1871

ALPHABETICALLY  
ARRANGED

BY  
J. H. H.

IN TWO VOLUMES  
VOLUME I

OF THE  
MILITARY AND NAVAL  
DEPARTMENT

OF THE  
UNITED STATES OF AMERICA

FOR THE YEAR  
1871


BY  
J. H. H.

IN TWO VOLUMES  
VOLUME I

OF THE  
MILITARY AND NAVAL  
DEPARTMENT

OF THE  
UNITED STATES OF AMERICA





**A**rtis Apollineæ cultor doctissime APINE,  
 Te legere Hyblæis dulcia mella fa-  
 vis, (pernix

Hoc Specimen monstrat; precor, ut solertia  
 Conferat ingenio munera mille Tuo!

Virtute & eruditione singulari

Ornatissimo DN. APINO,

Amico & Auditori suo per dilecto

gratulabundus

inter occupationes

deproperab.

JOH. MAVRIC. HOFFMANNVS, D.

Vniversit. h. t. Rector.



**I**ngenium pollens, ventoq; æquale ruenti  
 Omnia quod penetrat, docta Minerva pro-  
 bat,

Quam celebri scripto nobis nunc promiss APINE,  
 Sic opus Artificem prædicat ecce! suum.

Flatibus adspirent his cœptis Fata secundis  
 Apprecor, ad portum, quem cupis, usq; ferant.

CLm. DN. RESPONDENTI,

ita gratulabatur

MAURICIUS HOFFMANN, Med. D.

& Profess. Primar.



**U**T vis ventorum variis in partibus Orbis  
Magni est interdum commoda, sæpè nocet:

Sic Mundus parvus non tutus, sentit utrumq;  
Fatum, dum sæpè à flatibus afficitur.  
Cor, Cerebrum, Stomachus, Pulmones, Pectoris  
antrum,

Intestina valent flatibus, atque dolent:  
Id quæ fiat & unde? doces, *Doctissime* APINE;  
Cernitur hinc mentis vis aciesq; Tuæ.  
Maacte his dotibus ingenii! DEUS augeat, ausis  
Adspiret Sancti & Flaminis Aura Tuis!

*Inter occupationes mente  
benevolâ deproperab.*


PRÆSES.

**S**I, quo cœpisti, Patriæ spes, suavis APINE,  
ad Pindi pergis tendere templa gradu;  
Oceano veluti nunquam submergitur Arctos:  
Sic tua non fracto lumine fama cluet.

In honorem  
DN. RESP. AUCTORIS,  
Amici hætenus egregiè  
tibi chari  
gratulabundus adjecit


JOH. CHRISTOPH. STURMIUS, P.P.





A & Ω!


# PRÆFATIO.



*Extus, Quod excurrit, agitur mensis, ex quo Nobilissimus atque Excellentissimus DN. PRÆSES, in Collegio privato Semiologico speciali, occasione morbi cujusdam, flatuum injecta mentione, dolens, à nemine ferme Medicorum accuratam illorum tractationem susceptam hætenus, Jatrophilis materiam hanc pro Exercitio aliquo Academico commendavit. Hinc incitatus ipse non dubitavi, rem tam pulchram (pulchra enim, quæ difficilia) aggredi, inque eâ viriculas meas qualescunque experiri, quæ si defecerint, facilius excusabuntur materia paucis pertractata difficultate atque obscuritate. Quàm enim notum, quid sint flatus quoad τὸ ὄλ, τὰμ altè latet adhuc τὸ δόλ illorum, quod licet me felicius detecturum non præsumam, spetamen plenus sum, fore, ut quæ hic propono juvenili ingenio excogitata, & ita manca imperfectaque, maturior aliquando ætas & Eruditorum Examen politiora perfectioraque sint redditura. Quò verò facilius in constituto cursu pergere liceat, ante omnia viâ mihi planâ & securâ opus esse intelligo, haud ignarus, quod ingenii defectus pensetur Methodi perfectione, & plus promoveat, qui lento licet gradu rectam perpetuò viam incedit, quàm qui sæpe aberrans celerius graditur.*

*Placuit igitur calcare illam, quæ hætenus ab Amplissimo & Excellentissimo VIRO, DN. JOH. CHRISTOPHORO STURMIO, Phil. Natur. & Mathemat. Prof. Publ. Celeberrimo, Patrono & Præceptore meo ad urnam usque Colendo, Devenerando &c. felicissimè in suis Disquisitionibus, Philosophia Eclectica inscriptis, fuit trita, cum ad præsentem quoque scopum apprime commoda videatur. Huic proinde adspirante Divina Gratia Zephyro insistens, omissis circa Etymologiam & Homonymiam minus necessariis ambagibus, primum phænomenorum in utroque statu hominis, secundum & præter naturam occurrentium ad flatus & vapores pertinentium seriem peragrabor, deinde observationes scopo inservientes considerabo, tandem ex his, tanquam principiis, illorum phænomenorum rationes succinctè deducam, sic ad meam præfixam cursu, quod spero, felici perventurus.*





# C A P U T I.

## *Notabilia circa flatus occurrentia Phænomena recenset.*

**A**Ntequam ipsa *Φαινόμυνα* proponam, cum necesse sit, ut ab initio statim constet, quibus integram hanc disquisitionem nostram perlegere tædio foret, quid per Flatus intelligamus, libet præmittere aliquam descriptionem, non ad leges Logicas exactè constructam, sed ad scopum nostrum accommodatam. Dicimus igitur, quod flatus sint Aer magis vel minus prius impactus & inclusus, & per auctam commotionem aut resolutionem materiæ lentæ fluidæ vel placidè & moderatè, vel cum impetu & sono exitum sibi parans aut prorumpens, adeoque nunc crassior, nunc tenuior, usus naturaliter, ut infra patebit, non leves præstans corpori; idem verò valdopere in statu præternaturali afficiens. Ex qua descriptione facile patescit, flatum non esse semper & ubique aliquid præter naturale, aut naturæ nostræ adversum, sed etiam aliquando inter res naturales referri posse ac debere. Liquet etiam ex illâ, flatus ferme in omnibus respondere ventis, ut ita sic quoque refulgeat clarissimè comparatio Macrocosmi cum Microcosmo, quam præter alios complures Viros doctos novissimè deduxit Nobilissimus, Excellentissimus atque Experientissimus DN. JOH. MAURIC. HOFFMANNUS, Philosophiæ & Medicinæ D. hujusque P. P. Celeberrimus, nec non Universitatis p. t. Rector Magnificus, Dn. Patronus & Præceptor summa observantia ætatem colendus in Not. ad Hornii Microcosm. Præfat. In specie verò Analogiam flatuum cum ventis asseruerunt præter Galen. l. 3. de Sympt. caus. c. 2. & l. 2. art. cur. ad Glauc. c. 6. in princ. ubi præcipit *ἐννόησον δ' αὐτὸς (πνεύματ' & φυσώδης) πλὴν φύσιν ἐκ τ' ἐκείνωντ' ἡμᾶς αἶρ'*: inter alios etiam Tidicæus in Microcosmo suo, h. e. descriptione hominis & mundi parallelâ Tract. 6. præsertim p. 381. seqq. quamvis rem acutè tetigisse in omnibus haud videatur. Alb. Kyperus l. 2. Instit. Med. c. 20. §. 4. his verbis: Quemadmodum in Macrocosmo generantur vapores, fumi & venti; prorsus ad similem modum producuntur in Microcosmo, hoc tantum discrimine, ut pro sole Macrocosmi sumatur cali-



calidum innatum, pro igne subterraneo & terrestri calor contentis inhærens, & pro terra & aquâ partes continentes & contenta quæcunque. *Johannes Marcus Marci Philos. vet. Restit. part. 11. sect. vi.* Est corpus humanum, inquit, tam quoad externas, quam internas partes, aeris impressioni expositum, quem non solum per os naresque, verum etiam per insensibiles meatus inspiramus, propterea quod, teste Hippocrate, totum corpus sit perspirabile & confluxile. Unde necesse, pro ratione Aeris affecti varias vicissitudines subire; neque minores in Microcosmo, quam Mundo majori, tempestates ab eo caussari. Verum relictis aliorum testimoniis nostrarum erit partium, evidentius hoc ipsum per phænomena & observationes in utroque hominis statu demonstrare, cum laudati viri unâ cum Galeno & aliis visi saltem sint comparationem hanc agnovisse in statu morbofo. Illud adhuc monendum, non esse nobis animum, *flatûs* vocem prorsus extendere ad Spiritus cum *Hipp. in l. de flatibus*; sed aëri saltem intra corporis nostri diversas regiones variè commoto accommodaturos.

Nunc ad ipsa Phænomena, in quibus debitus ut observetur ordo, non erit inconveniens, secundum tres humani corporis provincias, vel Anatomicorum ventres, eorumque primarias functiones eadem proponere. Ad Infimum ventrem igitur pertinent Nutritio & Generatio, cum aliis subordinatis & ministris ad eas facientibus actionibus. In omnibus ferè & singulis flatuum concursus observare est. Dum fieri debet Chylificatio, quis vellet ambigere, unâ cum assumptis alimentis mansis ac deglutitis Aerem quoque per Oesophagum ad cavitatē ventris fuisse detrusum? Quis ibi inficias, particulas Aeris in liquore salivali per masticationem sese cibis immiscente, & aliàs continuo, ut sic loquar, stillicidio ad orificium ventriculi depluente contineri? Quis in dubium vocabit, in ventriculo vacuo post peractam chylificationem, & cremoris illius ad intestina per pylorum exclusionem aliquid Aeris relinqui expansionem debitam molientis? Circa ipsam Assumptionem alimentorum, in ventriculo & intestinis perficiendam digestionem & mutationem in liquidam massam, quæ Chyli vel Chymi nomine venit, unde & illa functio Chylificatio dicitur cōmuniter, portionum nutriciae & utilium chylosarum ex intestinis tenuibus ad venas lacteas expressionem, excrementitiarum verò & feculentarum ad crassa promotionem & subsequentem excretionem



nem flatus ex necessitate materiæ gigni, vel etiam productos su-  
modo ad fermentativam illam dissolutionem & motum facere  
manifesta ventriculi & intestinorum extensio, ructus, murmur  
& crepitus ventris etiam in iis, qui perfectâ satis gaudent sani-  
tate, evidentissimè comprobant.

In Generationis Negotio, quam cum nutritione pari passi-  
ambulare quemadmodum plerique Doctorum hodieque statuunt,  
nihil scil. de novo produci asserentes, sed omnia à mundi initio  
creata in generationis actu saltem augmentum capeffere, uti in pe-  
culiari Disputatione de Plantarum Animaliumque Generatione  
nuperrimè hoc ostendit laudatus DN. P. STURM. Aerearum portio-  
num commotarum, uno verbo flatuum insignem esse concursum  
& usum testatur stimulus actus conjugalis & congressus Venerei,  
in quo non modo *τα αἰδοῖα* utriusque sexus flatu veluti turgida  
observantur, sed & fluidum seminale ad spumescentiam cogitur,  
confirmatque rapidior ejaculationis in masculo motus. Non mi-  
nus verosimile videtur, & ad partus conatus juvandos stimulum  
elasticum aeris sive flatuum aliquid conferre, præsertim quod Ex-  
cellentissimus Dominus Præles in duabus feminis sese observasse  
mihi retulerit, illas per intervalla rariora sonoros quoque crepi-  
tus ex utero reddidisse absque ullo manifesto sanitatis dispendio.  
Quid quod parturiendi conatus vix aliunde feliciter liceat deduce-  
re, quàm ab humoribus in foetus corpusculo ab Aere copiosius  
subinde admisto majorem turgescentiam nactis, & foetum ad  
exclusionem urgentibus.

In statu Membrorum & viscerum Infimi Ventris, Nutritione  
& Generationi, cæterisque functionibus subservientibus, mini-  
strantium, præternaturalem Flatuum præsentiam & proventum  
prolixè demonstrare supervacaneum arbitramur, cum vix quis  
quam sit, qui prorsus nesciat, nec legisse se vel audivisse meminerit  
de Inflatione Ventriculi, de molestâ Eructatione varia, Borbo-  
rygmis intestinorum & urgentibus *πορδαῖς*, Colicâ flatulentâ  
Tympanite, & Affectu Hypochondriaco καὶ ἐξοχλῶ flatulento  
dicto, de flatulento tumore Genitalium, Priapismo, Satyriasi, de  
Inflatione Uteri, Passione Hysterica, Herniâ flatulentâ &c.  
Quorum affectuum specialior explicatio quoad modum genera-  
tionis & flatuum concurrentium varietatem è Practicorum monu-  
mentis petenda est, cum nostri non sit instituti, Pathologiam  
specia-



specialem hic proponere, sed sufficiat nobis ostendisse, flatus præter naturam retentos vel etiam aliquando copiosius excretos, vitiosis particulis acidis, acribus, viscidis, stypticis &c. præditos ad diversorum morborum facere generationem.

Promovemus ergo gradum ad Medium corporis humani Ventrem, eique dicatas primarias functiones, Respirationem & Pulsum, sub quo sanguinis elaborationem & distributionem insimul comprehendimus, ostensuri pariter in statu secundum & præter naturam flatibus esse locum. De Respiratione naturali, quæ Inspiratione & Expiratione absolvitur, si quis vellet dubitare, Aerem, seu, quod idem est, flatus concurrere, næ is in medio sole cœcutire nobis videretur, licet brevitatis studio nolimus extendere ad moderatū prorsus & ordinariū respirandi modum, qualis in quiete corporis observatur; Interim res est verissima pariter ac evidentissima in vehementiori ad perficiendos labores & exercitia corporis obeunda sanis non minus necessaria & ita etiam naturali respiratione, in qua quemadmodum per expirationem Aer antea prius per retentionem coercitus & impactus per auctam commotionem cum sono & sibilo efflatur: ita non dubium, quod in inspiratione pariter cum impetu irruat seseque magis in canalem asperæ arteriæ ejusque ramos insinuet. Quamvis nec esset absurdum, dicere, quod flatus in Intestinis in specie abdomini præstant, id toti corpori flatus præstare per Respirationem, ceu Cap. III. paucis id ostendetur.

In sanguinis è chylosis portionibus elaboratione, quam propter innumeram individuorum varietatem in latitudine sanitatis multifariam esse nemo negabit, flatuum quoque præsentiam adesse vel ex assumtis flatulentis, vel ex salivali fermento flatulento, & ita ipsi sanguineo fluido permisceri eò minus est dubitandum, quò sæpius in multis sanis hominibus in exercitiis præsertim vehementioribus venas subcutaneas ad capaces & distentas conspicere licet, ac si sanguine nimium quantum repletæ turgerent, cum tamen alia certiora signa Plethoræ non adsint, imo mox iterum detumescere absque insigni mutatione observari possint. Si in venoso sanguine flatuum præsentia concedenda, dabitur & in arterioso, non quidem ideò, quod ex veterum opinione arteriæ solùm contineant aerem, quasi *ἀεροφορία* dictæ, tanquam scilicet secundum Galeni fictitium dogma aer in diastole arteria-



rum attraheretur pro materiâ spirituum; Hoc enim & Circulationis legi refragatur, & nervosè à Clarissimo Italo Bellino in Doctissimo *Tract. de Puls. p. 85. § 86.* refutatum est: sed quod propter cordis impulsus, & elaterem, quem à novo Aere sanguis concipit, in arteriis contentus magis rarus, spumans & Aeri permixtus esse soleat. Inter subordinatas sanguinis perfectioni & distributioni intervientes actiones binas tantum considerare juvabit, Urinæ Secretionem & insensibilem Transpirationem. In illâ flatus sive Aeris particulas demonstrat odor particularum salino sulphurearum exagitatarum, & à liquore in aërem liberiores emanantium, idque in sanorum omnium urinis. Ut taceamus, an non Aeris in Hypogastrii spatio contenti per repletionem vesicæ repressi conatus & motus Elasticus Excretionem Urinæ juvare soleat. Et hoc sanè necessarium videtur ob impendens & exterius urgens immensum Aeris pondus, cuius momentū nisi superetur à momento internæ virtutis, mitti Urina non poterit. Videtur ergo necessario supponenda in contrarium nitens Aeris interni seu flatuum pressio, cui si insuper accedat Urinæ proprium pondus, subsequetur illius excretio. In Transpiratione Insensibili res eò est clarior, quò certius, Interpretes Galeni consuevisse vocabulum *Διὰ πνοήν* reddere per diffusionem, distinguentes inter occultam & manifestam sive perceptibilem. Quid quod & recentiores ad ventilationem referre non dubitaverint, & Ingeniosissimus quondam *Lindenus Meletem. Med. Hipp. part. Physiol. §. 29.* Ventilatorium geminum constituit Respiratorium & Perspiratorium, per hoc arterias & cutem intelligens. Sed erunt ipsi sensus hic iudices, siquidem tempore brumæ, corpore prius vestimentis benè coniecto tum validius exercito, his mox remotis halitus illi instar fumi per Aerem propelli videntur. Qui Observationes plures huc facientes cupit, adeat Boneti sepulchretum *Anatomicum lib. 8. sect. 1.*

Sed & in statu præter naturali suam ludunt Tragœdiam flatus, variis modis nocendo & expeditæ Respirationi, & sanguinis perfectioni, hisque subministrantibus actionibus quamplurimis, ceu abunde hoc confirmant, Pulmonum inflatio, difficilis species respirationis, Tussis, febres diversæ, Constipatio cutis nimia & abolita transpiratio, ne rariorem observationum mentionem injiciamus de halitu foetente per penem emissio propter abs-



cessus & ulcera, item erosiones intestini recti, de quibus apud *Sehenek. l. 4. Obs. 22.* cum nobis nec libeat, nec vacet ad species morborum transire.

Quin properamus ad Supremum Ventrem, capitis excelsam sedem, & spirituum animalium officinam, de quorum natura cum *ομοθυμαδόν* consentiant Physiologi, quod sit Aerea & summe mobilis ad quamvis externi objecti appulsus vel & voluntatis imperium, sane non ineptè flatuum naturalium nomine comprehendere possent, nisi jam supra laxiorem illam significationem disquisitione nostrâ exesse iussissemus. Interim tamen in promptu sunt alia evidentiora phænomena, è quibus patet Aerem spiritus animales vel materialiter subire, vel virtualiter saltem afficere. Notamus id ipsum in Olfactu, qui cum sine Inspiratione fieri nequeat, quemadmodum hoc contra *Cassarium Celeb. Dn. D. Bohnius in Circul. Anatom. Phys. demonstravit*, Aeris flatum omnino ad sui perfectionem requirit. Auditus adhuc clarius nobis suppeditat argumentum, cum sonus nil sit aliud quàm Aeris tremulus & undans motus, qui auribus allabatur: Ut taceamus Aerem labyrintho intra tympanum inclusum, succussum & sonorum factum, quem plerique implantatum à primo ortu crediderunt, quos tamen egregiis rationibus confutavit laudatissimus *D. Bohnius Prog. 26.* Cum verò circa reliquos sensus externos & internos non adeò evidentia occurrant exempla, lubentes volentes præterimus, hoc unum adjecturi, in motu musculorum tantum non clarissimum esse flatuum auxilium, notum enim à solo spirituum influxu motum non dependere, cum ligato Arteriæ magnæ trunco descendente inferiora & posteriora corruant, motumque mox recipiant, vinculo illo laxato. Ubi quilibet facile intelligit in confluxu spirituum & sanguinis arteriosi turgescientiam quandam flatulentam debere fieri, nimirum ex spiritibus subtilioribus crassiori Aere in sanguine admixtis, & sic denum motum posse peragi.

In statu præter naturali Capitis, Organorum sensoriorum & motoriorum flatus, quos alii Spiritus Sylvestres, Spurius &c. vocarunt, *Helmontius* verò Gas nomine barbaro expressit, gravissimorum morborum & symptomatum existere Autores, è Theoriâ convulsionis, Spasmi flatulenti, Cramfus vulgo dicti, Epilepsiæ, motuum aliorum convulsivorum, Tumorum in capite & musculis flatulentorum obortorum evidentissimè constat, quo-



quorum observationes passim in scriptoribus fide dignissimis Antiquioribus pariter & recentioribus haberi possunt sat copiolæ. Hæc sufficiant de Phænomenis.

## C A P. I I.

*Observationes, è quibus tanquam principiis allata Phænomena declarantur, præmittit.*

**OBSERVATIO I.** *Aerem omnia spatia corporum naturalium ad sensuum vacua penetrare & replere.*

**H**ujus indubitata veritas adeò est in aprico constituta, ut quemadmodum nefas esset illud temerè inficias ire, ita supervacaneum foret prolixius velle confirmare, cum dudum *Divinus Plato* *κενὸν μὴ εἶναι* in *Timæo* pronuntiaverit, quod non ita quidem exponendum, quasi natura abhorreat & fugiat consultò vacuum, sed quod Aeris fluiditas & pressio hoc exigat, sicut id in *Physicis* clarissimè demonstratum est, experimentis variis, aeris ex applicata Recipienti vacuo vitreâ lagena in cavitatem ejus spontaneo prolapsu, aliisque Mechanicorum oculis toto die obviis. Idque magis necessarium in corporibus vitâ præditis, si vellemus veterum quorundam & præsertim Hippocratis sententiam defendere, statuentium Aerem esse principium vitale, quamvis hujus ventilatio nec hujus sit loci nec nostri instituti.

**OBSERV. II.** *Aerem omnibus corporibus sublunaribus vel Elementaribus materialiter inesse.*

De quo eò minus dubitandum, quò major consensus hic occurrit Peripateticorum, antiquiorum & recentiorum Philosophorum Naturæque Scrutatorum Sagaciorum: Quorum illos Aerem inter quatuor Elementa sive principia materialia corporum retulisse notissimum est: Hi vero doctrinam de mixtione corporum naturalium per Experimenta sensualia sic declararunt, quod, licet in omni aggregato naturali particulæ illud constituentes minimæ & insensibiles arctissimè sint per contiguitatem connectæ, nunquam tamen combinari ita verosimile sit, quin porulos etiam minimos relinquant, quos Aeris particulæ tenuiores penetrant, & ita cum reliquis mixti vel compositi Systema constituent.

Atque



Atque hæc quidem interstitia notabiliora esse in corporibus vegetabilibus & animalibus ob majorem compositionis laxitatem, quam in mineralibus & metallis, nemo sanæ mentis negabit. Huc pertinent egregia & quam plura Experimenta per Eruditum orbem Celebratissimi *Rob. Boyle Angli* passim in aureis ejusdem scriptis occurrentia, inprimis in elegantissimo libello de porositate corporum nature: Quò etiam referimus illud notatum ab *Excell. Dn. D. Bohnio in Circul. Anatom. Phys. prog. V.* de animalibus vasi inclusis, post Aeris externi per Antliam extractionem valde intumescens, ut oculi promineant, haud dubiè propter aerem intrinsecum, nunc liberius spatium elatere suo sibi parantem. Ita ego metipse non ita pridem à supra laudato nec unquam satis laudando *Dn. P. Sturmio in Collegio Curioso* demonstratum ad oculum probè notavi, è rene bubulo vasi vitreo immisso, post Aerem ex Recipiente exhaustum, & aquam per tubulum arteriæ Emulgenti firmiter annexum superfusam, hujus bonam partem per arteriolas minutissimas fortassis & ruptas, instar bullularum exsudasse, haud dubiè propter Aerem intrinsecum elasticam vim suam exerentem aquæ admistum; reliquum autem ad venam Emulgentem, ceu pro demonstrandâ circulatione sanguinis desiderabatur, transiisse. Ne quid dicam de alio Experimento, quo constat, aquam etiam simplicem in vasculo Aeris vacuo ebullire, & ita hujus existentiam in aqua confirmare.

### OBSERV. III. Aerem cum ipso sanguine permisceri.

Omninò hoc sequi videtur necessariò, partim ex Aeris naturali gravitate jam satis à recentioribus Naturæ Rimatoribus multifariis experimentis demonstratâ, partim ex summa Inspirationis necessitate, quamvis nolim arbitrium facere inter Celebratissimos Doctores, quorum alii statuunt Aerem inspiratum offerre sanguini portiones salino sulphureas pro fermento illius spirituofo, alii verò sanguinis qualem qualem refrigerationem mediantibus Aeris admisti particulis fieri adhuc urgent. Sufficiat hac vice asseruisse, per actum Inspiratorium aerem externum proprio pondere, diducto thoracis ambitu, irruere per patentem arteriæ asperæ truncum in inferiores ejusdem ramos per pulmonis substantiam copiosissimè diffusos, & portiones subtiliores ad sanguinem amandare, cujus pro confirmatione non tantum nitor Experimento.



perimento Cl. Hookii aliorumque, quo patet animal moribundum per horam adhuc in vivis detineri posse, ita ut reciproca pulmonis explicatione & constrictione cordis motus ferè deficiens restituitur, morsque ad notabile temporis spatium differatur. Circa quod fortassis excipi posset infirmitas consequentiæ aut certè obscuritas; sed & Autoritate Illustris Boyle, promittentis in *Apparatu ad Historiam naturalem sanguinis* manifestam demonstrationem Aerearum particularum humano sanguini commixtarum atque etiam in distinctis ejus partibus repertarum. Jungatur etiam ejusdem lectu dignissimus libellus de Porositate Corporum. Quamvis vel exinde ad oculum pateat Aeris cum sanguine miscela, quod supra jam ostensum, inesse alimentis & chylo Aeris particulas commotas.

**OBSERV. IV.** *Aerem in corporum solutionibus, fermentatione & Putrefactione manifestò erumpere.*

Et hoc caret omni dubio, utpote sensibus obvium: Sanè attentius, (verbis libet exprimere Exc. D. D. Bohnii in *diff. Phys. Chym. VIII. §. 7.*) & cum aliqua patientia Massam digestionem expositam intuentes, interdum hinc inde aliquid sub bullarum formam commoveri, & à fundo vasis ad materiæ superficiem evehi deprehendimus, quæ non nisi minima Aerea sunt, hætenus substantiæ concretorum solidiori intertexta, quæ evoluta, quamdiu singula insensibilia, eorumque tendentiæ imperceptibiles existunt, in massulas majores conglomerata, per levitatem suam naturalem dum superiora conscendunt, bullulas ejusmodi conspicuas formant. Magis hoc conspicuum in fermentatione, ubi Aer interior liberius propter particularum concreti discessum spatium nactus egregiè massam fermentandam turgescere facit, & sæpe extra vasorum oras propellit. In Putrefactione tantò clarius, quantò certius vel ipsi Tyrones in Officinis Pharmaceuticis norunt, putrefacta odorem fracidum & nauseabundum spirare. Maximè verò id confirmat Experimentum, cujus laudatus ante Bohnius meminit *Diff. Physic. Chym. 10.* quod ita se habet. Prohibiturus repentnam corporis putrefactionem, includat illud recipienti Evacuato & colliget ex odore, in vacuum locum subinde assurgere halitus, qui nisi aliquoties exantlentur, in propria viscera sæviant, idemque præstent, quod alias externi Aeris impulsus &c. Scilicet in omni solutionis specie Aer externus vibrationibus suis & continuis impulsibus plus minus



concreti poros laxat, ut intrinseco liberius detur sese explicandi spatium.

**OBSERV. V.** *Aerem è corpore migrantem quasdam concreti particulas secum abripere.*

Fluit hoc è præcedenti tanquam Confectarium, neque prolixâ indiget declaratione, cum ex odore corporum fermentationi & putrefactioni expositorum evidentissimè pateat, cum Aereis particulis quasdam sulphureas salinis quibusdam Volatilibus acutatas nunc puriores nunc impuriore copiosiores vel pauciores pro variâ corporum solvendorum dispositione exhalare, ad longiorem vel breviorè distantiam, id quod etiam dudum Philosophi Atmosphæris seu Sphæris activitatis innuere voluerunt. Possent plurima adduci exempla, nisi jam cognita essent, vel labore hoc supersedere nos juberet brevitatis studium. An verò Curationes per pulverem sympatheticum, nec non alia Magneticæ & Transplantatoriæ ex hac Observatione & ejus Experimentis ritè defendi possint in medio relinquo, suasu *Excellent. DN. PRÆSIDIS*, qui jam olim publicè plura falsa supposita circa illas occurrentia detexit, præsertim cum tales curationes adhuc suspectæ hodieque rectè à plurimis negligantur.

**OBSERV. VI.** *Aquam in vapores vi fervoris interni vel externi promptissimè resolvi, hosque ex angustiis in amplius spatium transeuntes ventos & flatus constituere.*

Utrumq; membrum à Physicis rationibus & Experimentis abunde demonstratum. Et sanè instar omnium esse poterit Aeolipylarum inventum non hujus seculi, sed antiquius, ab ipso *Vitruvio in Architectonicis* literis consignatum. Ad oculum enim patet, has aquam continentes & igni admotas per rimam aut angustum foramen flatus & ventos cum impetu & strepitu eructare propter rarefactionem aquæ liberiolem affectantem campum jung. *Excell. DN. STURMII, Phys. Conc. part. specialiss. sect. I. c. 3. & Philosoph. Eclect. disp. VI. de Circul. corpor. non impeditâ §. 16.* Quidni verò in corpore quoque humano cum flatuum generatione res ita se haberet, cum horum quoque originem à materiâ fluidâ mixtâ, variis mutationibus & solutionibus à calore interno vitali & Aere ambienti vel calido vel frigido suscipiendis obnoxia, descendere ex præcedentibus Phænomenis & Observationibus satis perspectum habeamus.



C A P. III.

*Phænomenorum superius traditorum rationes ex præmissis Observationibus deducit & explicat.*

**E**Xpositis hætenus ad scopum nostrum magis collimantibus Observationibus, cum plures adducere prolixitas evitanda nobis haud permittat, reliquum est, ut Phænomenorum cap. I. propositorum rationes ex iisdem reddamus, id quod sequentibus succinctè præstare conabimur.

Quando igitur circa nutritionem eique connexas & subordinatas functiones dictum, unâ cum assumtis Aerem quoque per Oesophagum detrudi, nititur hoc partim *Observatione I.* qua constat Oesophagi cavitatem extra deglutitionis actum haud dubie continere Aerem, partim *Obs. II.* Aeris quoque particulas materialiter assumtis alimentis immixtas copiosiores vel pauciores pro laxitate vel densitate illorum confirmante; partim fluit ex continuo salivalis humoris in ventriculum descensu, quem tamen uti multis portionibus volatilibus scatentem, ita in specie aereis turgere, credere jubet Aeris necessaria in oris cavitate, dum respiramus, admixtio.

In Chylificatione flatus concurrere præter modò dicta etiam *Observatio V.* confirmat, sive illam fieri per digestionem, sive fermentationem sive extractionem defendere velis. Quamvis nullam nos videamus rationem, cur non fermentationi id muneris liceat adscribere, si intelligas naturalem & moderatam, præsertim cum egregiè illi competat definitio *ab Excell. DN. STURMIO* tradita, quod sit arctæ colligationis partium lenta & intrinseco motu facta se motio, ita ut nullo alio vinculo ampliùs quàm contactu simplici uniantur, *Phys. Concil. part. spec. sect. 1. cap. 5. §. 9.*

In depuratione Chyli à portionibus excrementitiis non solum stercoreas crassiores separari, sed & flatuum etiam in verè sanis generationem atq; in cavitatibus intestinorum collectionem, nec non successivam exclusionem facile ostendunt *Observ. 1. 2. 4. & 6.* inter se ritè collatæ & dextrè huc applicatæ. Dum itaque de flatibus eorumque modo generandi intra ventriculum & intestina certissimus, porro an non usus aliquos præstent solemniore, inquirendum. Videntur autem, si suspicionibus locus, sequentes. I. Ut in-  
testina.



testina indecenti situ detineant, cum aliàs collapsura fluentibus per ipsa humoribus, nec non fecibus descendentibus obstaculo fuissent, quò fortassis respexit Hippocrates, quando in Iliaca passione per aeris mediante folle in intestina injectionem in ordinem eadem redigere docuit. II. Ut abdomem contra superjacens Aeris pondus defendant in Expiratione aliàs ita comprimendum, ut humorum omnium per partes illius fluxus interciperetur, præsertim cum à postica parte osseis repagulis cinctum sit, presso abdomini cedere nesciis & ita illius compressioni faventibus. III. Ut ciborum solutionem promoveant. Constat siquidem ex *Obs. IV.* Aeris in solvendis concretis vim esse longè maximam, quæ erit longè major intra ventriculum, cum circum circa calor adjacentium viscerum elaterem ejus intendere potens sit, arctaque sinistri orificii occlusio fugam omnem prohibeat, unde ventriculum concipies quasi *Machinam Digestricem Papinianam*, quâ mediante elegantissimas *Tincturas* è solidioribus concretis *Autor Papinus* prolicuit. Quare patet nunc, omninò falsum esse, quod plerique veterum & Recentiorum flatus pro re merè præternaturali habuerint, cum tamen illorum ortus non solum ex necessitate materiæ dependeat, sed etiam ob certos usus fieri videatur, eorumque excretio debita sanitati maximè conferat, sicut retentio longior, cæteris paribus, in perniciem lethalem cedere potest, id quod lepidissimum Nicarchi Epigramma testatur in Anthol. Græc. l. 2. c. 44.

Πορδὴ ἀποκλείνῃ πολλὰς ἀδιέξοδους σου,,

Πορδὴ καὶ σώζει τραῦλον ἰεῖσαι μέλ<sup>ος</sup>.

Οὐκ ἔν εἰ σώζει, καὶ ἀποκλείνῃ πάλι πορδὴ,

Τοῖς βασιλεῦσιν ἴστω πορδὴ ἔχει δυνάμιν.

Cum ructibus res eodem se habet modo, utpote qui etiam nihil aliud sunt, quam *Φυσώδῃ πνέματα*, teste Galeno comm. 3. in l. 4. Epid. Text. 1. quorum in ventriculo proventus & per os excretio iisdem observationibus fundatur.

Phænomena in Generationis Negotio ex primis quatuor observationibus non majori difficultate deduci & explicari queunt, dummodo spongiosam & cavernosam genitalium substantiam, copiosum sanguinis & Spirituum affluxum, liquoris seminalis in utroque sexu originem, ovuli ex suâ sede dimotionem &c. probe mentis oculo inspiciamus, ubique enim insignem videre licet flatuum concursum. Quamvis enim negari non possit spiritibus primas hac



in re deberi, quatenus scilicet causa sunt impellens, nolim tamen flatum excludere exinde, quod certum est, non solos spiritus rem conficere, sed spiritus cum sanguine. Quid verò duorum liquidorum talium confluxus aliud efficiet quàm flatum, qui demum aptus erit ad efficiendam turgescientiam tam in semine masculo, quàm in liquore illo, qui continetur intra foemellarum ovula. Quod ultimò dictum in Embryonis jam dum corpusculo flatuum adesse præsentiam, eosq; primum esse ad exclusionem stimulum, non amplius latere potest illum, qui consideraverit, unde nutrimentum foetus in utero materno sibi decerpserit. Respectu verò matris flatuum concursum posse promovere partus negotium nemo negabit, nisi qui Aeris elasticam vim non habuerit compertam, & ignoraverit commendatâ tali in casu Respirationis cohibitionem.

De Respirationis, sanguinis elaborationis & distributionis, Urinæ secretionis & insensibilis Transpirationis phænomenis facile quoq; innotescere potest, ea *observationibus* niti *propositis*. In specie autem ad Respirationem & sanguinis perfectionem applicari debent *prima* & *tertia* è quibus non tantum insignis Respirandi necessitas, sed & duplex usus clarissimè elucescit, quorum primus ille, quem *Excell. Dn. P. Sturmius*, in *disput. pecul. de Respir.* monstravit, ut interni Aeris elatere contra externi pondus munirentur fluidæ corporis nostri partes; alter, quem indigitavit *Cl. Bohnius* in sæpe citato *Circ. Anat. Physiol. Prog. V.* ut eadem corporis nostri fluida sic intestinum conciperent motum.

Urinæ & halituum insensibilem secretionem clariorem etiam reddet *Observatio quinta*, qua probatur, particulas concreti alias Aeri emigranti se commiscere, indeque in Urinâ & sudore coloris & odoris varietatem provenire.

Circa olfactus, Auditus nec non Motus phænomena vix ulla difficultas supererit, cum ex *Observationibus* facile deduci, & ex hæcenus dictis ultrò etiam patere possint, ut propterea ulteriori prolixitate superfedere liceat.

Quod verò attinet expositos superius in tribus corporis regionibus affectus præternaturales, in quibus flatum peccare, nocumentumque corpori inferre solent, eorum quidem modus generationis specialior pertinet ad Pathologiam particularem, quam proponere, nec mei est instituti, nec mearum virium; Nullum tamen est dubium, quin omnium morborum flatulentorum phænomena ex  
iisdem



iisdem Observationibus satis perspicuè demonstrari queant, quod breviter Coronidis loco ostendere conabor.

In Nutritionis igitur negotio tot modis à statu Naturali flatu recedere quis mirabitur, dum ET QUANTITATE ET QUALITATE nocere possunt? QUANTITATE ac I. quidem EXCEDENTE, quatenus vel ventriculus cibis ob nimiam copiam δυστέλως obruitur, unde chylus perfectus non emergit, sed mucago saltem viscida, quæ accedente calore per *Obs. VI.* & fermentatione præternaturali per *Obs. IV.* tota fere in flatu resolvitur, non exclusâ etiam suo modo bile; vel orta alicubi in intestinis vel aliis abdominis partibus obstructio aut continui læsio flatuum ex super ingestis cibis coacervationem necessario inducit, dum exclusionem eorundem prohibet. II. DEFICIENTE, ubi vel nimium excernuntur, sine dubio aut à sphincteris resolutione, aut ab æstuante intestinorum calore; vel parcius generantur ob resolutionem alimentorum imperfectam, flatuum compositioni non faventem. Hinc verò quis non lædi posse videt primario inferioris ventris actiones, chylicationem, chyli distributionem, fecum & urinæ excretionem, & secundario etiam omnes alias inquibuscunque corporis partibus secretiones. Cum enim certa quædam texturæ habitudo requiratur in sanguine aut alio quodam humore ad id, ut secerni alicubi queat, manifestum, à non *secretis flatibus*, seu, quod idem est, non productis fieri chylum crudum, & sanguinem consimilem, qui ineptus sit ad sustinenda vel perficienda ea, quæ alioqui in statu ejus naturali contingere solent. QUALITATE, in quantum ciborum vitiosè quacunque de causa digestorum, inprimis autem à fermenti peregrino sapore, particulas acres, acidas, austeras associatas habent, vi nempe *Obs. V.* sicque parietes ventriculi & intestinorum vellicando, eosdem in varias doloris species agere apti nati sunt, ut nunc habeamus enumeratorum supra affectuum conceptum facillimum, insimulque intelligamus, quomodo flatu & nimia excretionem & proventu justo minore noceant. In Partes generationi dicatas non minus redundat flatuum vitium, five deficiendo illas inertes reddant, five copiosius cum sanguine & lymphâ advehantur per *Obs. III.* si vel loco affecto sint quasi domestici: posse enim generari putamus à spirituum animalium lentore ad refluxum inepto, eâ ratione, quâ Tympanitidem sibi fieri persuasit *Willisus Pharm. Rat. P. II. s. 2. c. 4.* Ex utraque causâ posse contingere ea, quæ supra tetigimus, v.g.



Priapismum, Inflationem Uteri &c. Imò graviora etiam mala debere accidere, ut Passionem Hystericam, stimulo quodam corruptis mensibus, ovulis & liquore seminali superveniente, cuius est in apico.

Quare transimus ad medium Ventrem uti à flatibus non immunem, sic certè non intactum relinquendum. Læduntur enim principes ejus actiones, Pulsus & Respiratio, vitales vulgò dictæ, multis modis. Respiratio noxam incurrit, quoties flatulenta quædam tensio occupaverit musculos thoracis, aut vasa intrapulmones nimium distenta, vel flatus intra cavum pectoris collecti pulmonum dilatationem impedi verint, aut obstructio bronchiorum Aerem vel non admiserit vel non emiserit, unde Asthma & suffocationis periculum, & aliæ plures difficilis respirationis species.

Pulsus illique adjunctæ sanguinis Elaboratio & Distributio flatuum exorbitantias luunt, si vel chylus sanguini offeratur flatulentus; vel suppressa sit nunc toto in corpore, nunc in aliquibus ejus partibus transpiratio; vel per calorem sanguis nimium rarefiat, fermentescat; vel à vitioso in parte quadam hærente fermento putres & perniciosi generentur halitus. Omnia vi *Obs. III. IV. V.* Hinc enim evidentissimum, debere sequi Palpitationem cordis, varias Pulsus anomalias, febrium species plures, in specie Synochum non putrem, febrem Inflativam dictam, de quâ legi meretur *Clariss. Bell. in Eruditiss. Tract. de Febr. Prop. XIV. p. 309.* Alia huc facientia occasione Pulsus vitiati & suppressæ Transpirationis ex modo laudato Autore potuissimus adducere, nisi finem pagellarum angustia imperaret. Qui volet legat. *Ejusd. Tr. de Pulsibus* & alium de *Missione sanguinis*, & inveniet multa curiositati suæ respondentia.

Nec amplius jam latere potest, quomodo flatus vel in caput sese insinuando illius dolorem excitent, vel purioribus spiritibus juncti eosdem obnubilent, sensus debilitent, si acrimoniâ quadam præditi, nervos irritent, contrahant, & varios convulsivos motus producant, ex hætenus enim dictis & collatis inter se Autorum observationibus omnia erunt clarissima. Ut ita breviter naturalem & præternaturalem flatuum habitudinem indicaverimus, Phænomena quadam circa illos obvia è causis suis probabiliter declarando. Sicubi lapsi fuerimus, erroris juvenilis veniam speramus, promptè etiam illum ad Eruditorum monita correcturi. DEO vero T. O. M. cui pro hac usque concessis clementissimè viribus devotas gratias agimus,

SIT LAUS HONOR & GLORIA!